

**“ТӨРИЙН ТУСГАЙ АЛБАН ХААГЧДЫН НЭГДСЭН ЭМНЭЛГИЙН БА ХИЛИЙН  
БАРУУН, ЗҮҮН БҮСИЙН ЭРҮҮЛ МЭНДИЙН БАЙГУУЛЛАГУУДЫН БАГАЖ, ТОНОГ  
ТӨХӨӨРӨМЖИЙГ ШИНЭЧЛЭХ, СУУРИЛУУЛАХ, ХҮНИЙ НӨӨЦИЙГ  
ЧАДАВХЖУУЛАХ ДАРААГИЙН ШАТНЫ ТӨСӨЛ”-ИЙН ТАНИЛЦУУЛГА**

**Нэг. Төслийн мэдээлэл**

***Төслийн зорилго:***

Төрийн тусгай албан хаагчдын нэгдсэн эмнэлэг (цаашид “ТТАХНЭ” гэх)-ийн оношилгоо, шинжилгээ, эмчилгээний чадавхыг сайжруулснаар үйлчлэх хүрээний ард иргэдэд үзүүлэх эрүүл мэндийн тусламж, үйлчилгээний чанар, хүртээмж сайжрах бөгөөд дараах зорилтуудыг хэрэгжүүлэхээр төлөвлөсөн:

- ТТАХНЭ-ийн оношилгоо, шинжилгээ, эмчилгээний чадавхыг нэмэгдүүлснээр төрөлжсөн мэргэжлийн тусламж, үйлчилгээний чанарыг сайжруулж, төв эмнэлгүүдийн ачааллыг бууруулах, өвчлөл, нас баралтыг бууруулах нөхцөлийг бүрдүүлэх;

- Эрүүл мэндийн тусламж, үйлчилгээний чанар, шуурхай байдлыг сайжруулж, иргэдийн хүлээгдэл, чирэгдлийг бууруулах, салбарын зорилтот хөтөлбөрүүдийн хэрэгжилтэд дэмжлэг үзүүлэх;

- Орчин үеийн багаж, тоног төхөөрөмжийг худалдан авч суурилуулах, тэдгээрийг ашиглах шаардлагатай стандарт орчин, өрөө тасалгааг бүрдүүлэх;

- Эмнэлгийн эмч, мэргэжилтнүүдийг тоног төхөөрөмжийн ашиглалт болон мэргэжлийн ур чадварыг дээшлүүлэх сургалтад хамруулж, хүний нөөцийн чадавхыг бэхжүүлэх /богино хугацааны гадаад сургалт – 15 эмч, сувилагч, инженер, техникч; ажлын байрны дотоод сургалт – 20 эмч, сувилагч, инженер, техникч/;

- Хилийн бүс нутагт ажиллаж, амьдарч буй алба хаагчид болон хил орчмын оршин суугчдад үзүүлэх эрүүл мэндийн тусламж, үйлчилгээний хүртээмжийг нэмэгдүүлж, үйлчилгээг ойртуулах.

***Төсөл хэрэгжих хугацаа: 2 жил***

***Төслийн байршил:*** Төрийн тусгай албан хаагчдын нэгдсэн эмнэлэг болон Хилийн баруун, зүүн бүсийн эрүүл мэндийн байгууллагууд

***Хөгжлийн бодлого, төлөвлөлтийн баримт бичигт туссан байдал:***

*“Алсын хараа -2050” Монгол Улсын урт хугацааны хөгжлийн бодлогын хүрээнд 2021-2030 онд хэрэгжүүлэх үйл ажиллагаа:*

• 2.2.11. Эрүүл мэндийн тусламж, үйлчилгээг хүн амын нягтрал, газар зүйн байршил, хүн ам зүйн бүтэц, өвчлөл, шилжилт хөдөлгөөн, хүн амын эрүүл мэндийн тусламж, үйлчилгээний эрэлт хэрэгцээтэй уялдуулан зохион байгуулна;

• 2.2.13. Оношилгоо, эмчилгээний орчин үеийн дэвшилтэт технологийг нэвтрүүлж, иргэд эх орондоо бүрэн оношлогдон эмчлэгдэх боломжийг бүрдүүлэхийн зэрэгцээ гадаадын иргэд манай оронд ирж эрүүл мэндийн тусламж, үйлчилгээ авах нөхцөлийг бүрдүүлэх зорилгоор эмнэлэг олон улсын магадлан итгэмжлэл авах үйл ажиллагааг төрөөс дэмжинэ;

•2.2.14.Зонхилон тохиолдох халдварт бус өвчин, тэдгээрийн эрсдэлт хүчин зүйлийн тархалт болон сэргийлж болох нас баралтыг хувь хүн, гэр бүл, хамт олон, байгууллагын идэвхтэй оролцоотой нэгдмэл үйл ажиллагаанд тулгуурлан бууруулна;

•2.2.21.Эмнэлгийн тусламж, үйлчилгээний чанар, аюулгүй байдлыг сайжруулах зорилгоор төрөөс хараат бус бие даасан магадлан итгэмжлэлийн тогтолцоог бүрдүүлнэ;

•2.2.28.Эрүүл мэндийн технологийн чиглэлээр хөрөнгө оруулалт хийх, дэвшилтэт технологи нэвтрүүлэх үйл ажиллагааг төрөөс дэмжинэ;

•2.2.38.Анагаах ухаан, эрүүл мэндийн салбарын тусламж, үйлчилгээг хиймэл оюун ухаанд тулгуурлан хөгжүүлж аливаа өвчин эмгэгийг эрт илрүүлж, эмчлэх боломжийг бүрдүүлнэ;

•2.2.39.Алслагдмал сум, орон нутаг, хот, нийслэлд амьдарч байгаа хүмүүст үзүүлэх тусламж, үйлчилгээний хүртээмж, чанар ижил түвшинд очиж, цахим эрүүл мэндийн системд бүрэн шилжинэ.

*Монгол Улсыг 2026–2030 онд хөгжүүлэх таван жилийн үндсэн чиглэл:*

•2.2.Эрүүл, аюулгүй амьдрах орчин, хүртээмжтэй орон сууц, чанартай нийгмийн хамгааллын үйлчилгээгээр амьдралын чанарыг дээшлүүлж, гэр бүлийн эрүүл, тогтвортой байдлыг дэмжиж, хүний эрхийн баталгааг ханган, хүүхдийн хөгжил, хамгааллыг шинэ шатанд гаргаж, нийгмийн сайн сайхан байдлын үзүүлэлтийг 20 хувиар өсгөнө.

*Монгол Улсын Засгийн газрын 2024–2028 оны үйл ажиллагааны хөтөлбөр:*

•2.3.2.6.Иргэн эрүүл мэндийн тусламж, үйлчилгээг орон зай, цаг хугацаанаас үл хамааран авах боломжийг нэмэгдүүлж, цахим эрүүл мэндийн дэвшилтэт технологи телемедицин, хиймэл оюун ухааныг эмчилгээ, оношилгоо, хяналтад нэвтрүүлнэ.

## **Хоёр. Төслийн санхүүжилт, нөхцөл**

### **Төслийн хүрээнд нийлүүлэгдэх тоног төхөөрөмжийн жагсаалт:**

№	Төхөөрөмжийн нэр	Тоо хэмжээ	Нийт дүн (Евро)
1	Мэс заслын вакум өрөө /laminar system/	7	1,065,476.52
2	Ариутгал, угаалгын тоног төхөөрөмж	6	293,008.86
3	Дүрс оношилгооны тоног төхөөрөмж	7	3,397,528.16
4	Хоол боловсруулах, бөөр, дотоод шүүрлийн эмгэгийн тоног төхөөрөмж	2	503,646.60
5	Зүрх судасны эмгэгийн тоног төхөөрөмж	13	252,453.56
6	Мэдрэлийн эмгэгийн тоног төхөөрөмж	7	283,126.16
7	Лабораторийн тоног төхөөрөмж	6	172,252.96
8	Эрчимт эмчилгээ, мэдээгүйжүүлгийн тоног төхөөрөмж	31	632,740.50
9	Яаралтай тусламжийн тоног төхөөрөмж	15	64,758.15
10	Гэмтлийн мэс заслын тоног төхөөрөмж	28	373,366.33
11	Мэс заслын тоног төхөөрөмж	41	550,261.36
12	Амбулаторийн төрөлжсөн нарийн мэргэжлийн кабинетууд	20	414,822.36
13	Эмнэлгийн тусламж, үйлчилгээний хэрэгцээний автомашин	3	445,632.80
<b>ТТАХНЭ</b>			<b>8,449,074</b>
1	Хилийн баруун, зүүн бүсийн эрүүл мэндийн байгууллагын хүчин чадлыг нэмэгдүүлэх тоног төхөөрөмж		1,084,863
<b>НИЙТ</b>			<b>9,533,937</b>

## Гурав. Төслийн хүрээнд хийгдэх ажил, үр дүн

Төслийг хэрэгжүүлснээр эрүүл мэндийн тусламж, үйлчилгээний чанар, хүртээмж, үр ашигт дараах бодит өөрчлөлтүүд гарна:

- Эмнэлгийн оношилгоо, шинжилгээ, эмчилгээний хүчин чадал нэмэгдэж, жилд 200,000-аас дээш иргэнд орчин үеийн оношилгоо, эмчилгээний тусламж, үйлчилгээ үзүүлэх боломж бүрдэнэ. Ингэснээр үйлчлэх хүрээний хүн амын эрүүл мэндийн тусламж, үйлчилгээний хүртээмж бодитойгоор нэмэгдэнэ;

- Орчин үеийн тоног төхөөрөмж, дэвшилтэт технологийг нэвтрүүлснээр дурангийн болон бага зүслэгтэй, нарийн мэргэжлийн мэс заслын нэр төрөл, гүйцэтгэл нэмэгдэж, нийт мэс заслын тоо 20–30 хувиар өсөх нөхцөл бүрдэнэ;

- Судсан дотуурх оношилгоо, эмчилгээ болон өндөр технологийн тусламж, үйлчилгээ дотооддоо хийгдэх болсноор төв эмнэлгүүдэд хандах урсгал 10–15 хувиар буурна;

- ТТАХНЭ-ийн хүчин чадал нэмэгдэж, төрөлжсөн мэргэжлийн тусламж, үйлчилгээ өргөжсөнөөр улсын төв эмнэлгүүдийн ачаалал 15–20 хувиар буурах боломж бүрдэнэ;

- Урьдчилан сэргийлэх үзлэг, эрт илрүүлгийн үйл ажиллагааг өргөжүүлснээр эрүүл мэндийн урьдчилан сэргийлэх үзлэгт хамрагдалт 30 хүртэл хувиар нэмэгдэж, халдварт бус өвчнийг эрт үе шатанд илрүүлэх боломж сайжирна;

- Хилийн болон алслагдсан бүс нутгийн иргэдийн эрүүл мэндийн тусламж, үйлчилгээний хүртээмж сайжирч, тусламж авахад зарцуулах цаг хугацаа, зардал буурна.